



MAJLIS DAERAH MERSING

**GARIS PANDUAN
KEMPEN TIADA BEG PLASTIK PERCUMA**

**BAHAGIAN PELESENAN
NO. 1, JALAN TUN DR. ISMAIL,
86800 MERSING, JOHOR
TEL: 077981818
EMEL: info@mersing.gov.my
LAMAN SESAWANG: www.mdmersing.gov.my**

**EDISI 1
JULAI 2022**

**GARIS PANDUAN
KEMPEN TIADA BEG PLASTIK PERCUMA
MAJLIS DAERAH MERSING**

1. Definisi dan Konsep

Kempen Tiada Beg Plastik Percuma merujuk kepada kutipan caj minimum RM 0.20 sen bagi setiap helaian beg plastik (hidrokarbon atau biodegradable / compostable) yang dibekalkan kepada pelanggan di kaunter bayaran premis perniagaan.

Beg plastik merujuk kepada sebarang bentuk jinjit yang dihasilkan menggunakan bahan plastik (*biodegradable* atau *non-biodegradable*) yang nipis serta fleksibel, yang mempunyai pemegang atau tidak, yang disediakan oleh pihak premis perniagaan untuk tujuan mengisi barang pembelian yang dibekalkan kepada pelanggan di kaunter bayaran.

2. Punca Kuasa

Secara amnya, punca kuasa bagi pelaksanaan Kempen Tiada Beg Plastik Percuma adalah melalui syarat tambahan permohonan baharu atau pembaharuan lesen perniagaan di bawah peruntukan Seksyen 107 (2) Akta Kerajaan Tempatan 1976 seperti berikut:-

Seksyen 107 – Lesen

"(2) Tiap-tiap lesen atau permit yang diberi tertakluk kepada apa-apa syarat dan sekatan yang difikirkan patut oleh pihak berkuasa tempatan dan boleh dibatalkan oleh pihak berkuasa tempatan pada bila-bila masa tanpa memberi apa-apa sebab."

Berdasarkan sub-seksyen ini, Majlis Daerah Mersing mempunyai kuasa untuk mewajibkan premis perniagaan untuk mengutip caj pencemaran bagi pihak Majlis Daerah Mersing.

3. Kaedah Pelaksanaan

3.1 Premis perniagaan yang wajib melaksanakan Kutipan Kempen Tiada Beg Plastik Percuma adalah terdiri daripada semua premis perniagaan sedia ada dan premis perniagaan baharu yang akan mula beroperasi dalam kategori berikut :-

- a) Pasar Raya *Hyper* (*Hypermarket*)
- b) Pasar Raya Besar (*Supermarket*)
- c) Pasar Raya Serbaneka (*Department Store*)
- d) Kedai Serbaneka (*Convenient Store*)
- e) Restoran Makanan Segera (*Fast Food Restaurant*)
- f) Kedai Serbaneka Stesen Minyak (*Petrol Station Convenient Store*)
- g) Kedai Rangkaian (*Chain Store*)

- h) Farmasi (Pharmacy) dan
 - i) Lain-lain premis perniagaan berkaitan yang akan dimasukkan ke dalam senarai pada masa akan datang (*others*).
- 3.2 Setiap premis perniagaan yang disenaraikan di perenggan 3.1 perlu mendaftar dengan Majlis Daerah Mersing mengikut lokasi premis masing-masing untuk mengisytiharkan sama ada akan membekalkan atau tidak membekalkan beg plastik kepada pelanggan.
- 3.3 Kuatkuasa pelaksanaan:
- i. Premis sedia ada yang telah beroperasi diberi tempoh tertentu yang ditetapkan oleh Majlis Daerah Mersing untuk mengambil tindakan sebagaimana di perenggan 3.2.
 - ii. Setiap premis perniagaan baharu yang baru memulakan perniagaan pada tarikh bermula atau selepas pelaksanaan caj pencemaran tersebut perlu serta-merta mengambil tindakan seperti perenggan 3.2.
- 3.4 Satu pendaftaran adalah untuk satu premis perniagaan. Perniagaan yang mempunyai cawangan perlu mendaftarkan setiap cawangan secara individu berdasarkan lesen premis perniagaan yang dikeluarkan oleh Majlis Daerah Mersing.
- 3.5 Setiap pendaftaran atau pembaharuan perlu menggunakan **BORANG CP-A (LAMPIRAN 1)** dan disertakan bersama sesalinan dokumen:-
- a) Sijil Pendaftaran Suruhanjaya Syarikat Malaysia (SSM)
 - b) Lesen Premis Perniagaan
- 3.6 Setiap premis perniagaan akan diberikan **NOMBOR PENDAFTARAN KHUSUS** yang perlu digunakan sebagai rujukan bagi setiap urusan yang melibatkan Kempen Tiada Beg Plastik Percuma.
- 3.7 Nombor pendaftaran yang diberikan adalah unik bagi setiap permohonan mengikut kawasan dan jenis premis. **Nombor pendaftaran yang diberikan akan KEKAL dengan premis selagi ianya masih beroperasi di lokasi yang sama.** Pendaftaran baharu perlu dibuat sekiranya perniagaan berpindah.
- 3.8 Setiap maklumat premis yang berdaftar mesti direkodkan dalam **DAFTAR PREMIS**. Maklumat yang perlu dimasukkan dalam daftar ini adalah sebagaimana maklumat yang diberikan oleh pemohon dalam **BORANG CP-A**.
- 3.9 Daftar ini perlu dikemaskini setiap kali terdapat pendaftaran baharu dan pembaharuan pendaftaran oleh pemohon. Daftar yang dikemas kini perlu diserahkan kepada Bahagian Perancang Negeri Johor (BPENJ) pada/bagi setiap suku tahun untuk simpanan rekod yang akan diselaraskan oleh Pegawai Alam Sekitar, BPENJ.
- 3.10 Setiap premis perniagaan yang berdaftar dengan Majlis Daerah Mersing akan diberikan **SIJIL KEBENARAN MELAKSANAKAN KEMPEN TIADA**

BEG PLASTIK (LAMPIRAN 2) yang membenarkan premis perniagaan membuat kutipan caj ke atas beg plastik pada kadar minimum RM0.20 bagi setiap helaian beg plastik yang dibekalkan di kaunter bayaran kepada pelanggan.

- 3.11 Setiap helaian **SIJIL KEBENARAN MELAKSANAKAN KEMPEN TIADA BEG PLASTIK PERCUMA** yang dikeluarkan mesti dikawal dan direkodkan dalam **DAFTAR PREMIS**.
- 3.12 **SIJIL KEBENARAN MELAKSANAKAN KEMPEN TIADA BEG PLASTIK PERCUMA** adalah eksklusif kepada perniagaan atau premis yang memohon dan tidak boleh dipinjam atau dipindah milik kepada mana-mana perniagaan atau premis lain.
- 3.13 **SIJIL KEBENARAN MELAKSANAKAN KEMPEN TIADA BEG PLASTIK PERCUMA** mesti dipamerkan dengan jelas untuk dilihat oleh pelanggan sebagai bukti kebenaran membuat kutipan caj bagi setiap helai beg plastik yang dikeluarkan kepada pelanggan.
- 3.14 Hanya premis perniagaan yang berdaftar sahaja dibenarkan untuk membuat kutipan caj ke atas beg plastik.
- 3.15 Premis perniagaan yang membuat kutipan tanpa berdaftar dengan Majlis Daerah Mersing akan dikenakan **tindakan** di bawah Seksyen 107 (2) Akta Kerajaan Tempatan 1976 melalui **pembatalan lesen premis perniagaan**.
- 3.16 Pendaftaran hanya sah untuk tempoh satu (1) tahun dan perlu diperbaharui apabila tamat tempoh yang ditetapkan.
- 3.17 Tempoh sah laku **SIJIL KEBENARAN MELAKSANAKAN KEMPEN TIADA BEG PLASTIK PERCUMA** akan diselaraskan ke tarikh tamat Lesen Premis Perniagaan.
- 3.18 Pendaftaran premis bagi melaksanakan Kempen Tiada Beg Plastik Percuma ini perlu diperbaharui setiap tahun sebagai satu syarat bagi proses pembaharuan lesen perniagaan.

4. KAEDAH SERAHAN CAJ PENCEMARAN KEPADA MAJLIS DAERAH MERSING

- 4.1 Setiap premis perniagaan yang telah berdaftar untuk melaksanakan Kempen Tiada Beg Plastik Percuma **dibenarkan untuk mengenakan caj minimum sebanyak RM0.20 bagi setiap helai beg plastik** yang dibekalkan kepada pelanggan di premis perniagaan semasa membuat bayaran.
- 4.2 Caj pencemaran yang dikutip **oleh premis perniagaan terlibat perlu diserahkan kepada Majlis Daerah Mersing selewat-lewatnya pada 15 hari bulan setiap bulan berikutnya**.
- 4.3 Serahan kutipan mesti dibuat mengikut premis perniagaan yang didaftarkan.

- 4.4 **Serahan kutipan perlu menggunakan BORANG CP-S (LAMPIRAN 3) beserta maklumat inventori stok beg plastik perniagaan** dan dikemukakan di kaunter bayaran Majlis Daerah Mersing.
- 4.5 **Premis yang mempunyai lebih dari satu (1) cawangan dibenarkan membuat serahan secara tunai atau menggunakan satu cek secara bersekali.** Walau bagaimanapun, **BORANG CP-S** masih perlu diisi **berasingan** mengikut premis yang didaftarkan.
- 4.6 Majlis Daerah Mersing akan mengeluarkan resit sebagai bukti penerimaan serahan kutipan beg plastik dari premis perniagaan. **Bukti serahan kutipan juga akan dijadikan syarat bagi memperbaharui lesen premis perniagaan.**

5. KAEDAH TERIMAAN DAN PERBELANJAAN CAJ PENCEMARAN DI MAJLIS DAERAH MERSING

- 5.1 Setiap Caj Pencemaran yang dikutip oleh Majlis Daerah Mersing akan dijadikan hasil di bawah kod hasil 71458- Caj Pencemaran.
- 5.2 Bagi perbelanjaan program-program berkaitan caj pencemaran hendaklah menggunakan kod perbelanjaan 29423- Program Alam Sekitar, manakala bagi perbelanjaan pembangunan, kod perbelanjaan ditentukan oleh Majlis Daerah Mersing sendiri.
- 5.3 Implikasi:
 - i. Majlis Daerah Mersing boleh menggunakan peruntukan tersebut untuk menampung perbelanjaan berkaitan pencemaran dan kelestarian alam sekitar sahaja.
 - ii. Majlis Daerah Mersing perlu menyediakan peruntukan untuk pelaksanaan program-program atau projek-projek berkaitan pencemaran dan alam sekitar sekiranya diarahkan oleh kerajaan dari semasa ke semasa.
 - iii. Anggaran terimaan caj pencemaran dan anggaran perbelanjaan dimasukkan ke dalam belanjawan tahunan Majlis Daerah Mersing.

6. PENGECUALIAN KUTIPAN

- 6.1 Premis perniagaan yang berdaftar dengan Majlis Daerah Mersing untuk melaksanakan Kempen Tiada Beg Plastik Percuma tetapi tidak lagi membekalkan beg plastik kepada pelanggan perlu membuat pengisytiharan semula seperti di perenggan 3.2 dan juga membuat serahan bulanan kepada PBT menggunakan **BORANG CP-S** dengan deklaras **TIADA KUTIPAN**.
- 6.2 Premis perniagaan yang menyerahkan **BORANG CP-S dengan deklaras **TIADA KUTIPAN** selama tiga (3) bulan berturut-turut** boleh memohon kepada Majlis Daerah Mersing bagi pengecualian daripada membuat serahan kutipan secara bulanan untuk bulan-bulan yang berikutnya dengan

mengisi **BORANG CP-F (LAMPIRAN 4)**

- 6.3 Semakan akan dilaksanakan oleh Majlis Daerah Mersing di premis perniagaan yang mengemukakan permohonan pengecualian kutipan bagi tujuan pengesahan bahawa premis berkenaan tidak lagi membekalkan beg plastik kepada pengguna.
- 6.4 Premis perniagaan yang telah disahkan tidak membekalkan beg plastik kepada pelanggan yang akan diberikan **SIJIL PREMIS BEBAS BEG PLASTIK SEKALI GUNA (LAMPIRAN 5)**
- 6.5 Premis perniagaan perlu menyerahkan **SIJIL KEBENARAN MELAKSANAKAN KEMPEN TIADA BEG PLASTIK PERCUMA** kepada Majlis Daerah Mersing sebagai syarat untuk digantikan dengan **SIJIL PREMIS BEBAS BEG PLASTIK SEKALI GUNA** yang perlu dipamerkan di premis perniagaan.
- 6.6 Premis yang telah diberikan **SIJIL PREMIS BEBAS BEG PLASTIK SEKALI GUNA** tidak perlu lagi membuat serahan kutipan bulanan kepada Majlis Daerah Mersing.
- 6.7 **SIJIL PREMIS BEBAS BEG PLASTIK SEKALI GUNA** perlu diperbaharui setiap tahun oleh premis perniagaan setelah ianya tamat tempoh.

7. PENUTUP

Garis Panduan Pelaksanakan Kempen Tiada Beg Plastik Percuma oleh Majlis Daerah Mersing ini berdasarkan **Garis Panduan Penguatkuasaan Kempen Hari Tiada Beg Plastik Percuma yang telah diluluskan oleh Majlis Mesyuarat Kerajaan Negeri Johor (MMKNJ) Bil. 311/2021 pada 10 Mac 2021**. Majlis Daerah Mersing berhak meminda dan menambah baik garis panduan ini berdasarkan keperluan, selagi mana ia tidak bertentangan dengan tujuan utama kutipan caj pencemaran ini dibuat.



**BORANG PENDAFTARAN
KEMPEN HARI TANPA BEG PLASTIK PERCUMA**

NAMA PEMOHON :

NAMA SYARIKAT :

NO. SSM :

ALAMAT PREMIS :

NO. TELEFON & FAKS :

EMEL :

JENIS PENDAFTARAN : PENDAFTARAN PERTAMA PEMBAHARUAN

NO. PENDAFTARAN KEMPEN : [BAGI PEMBAHARUAN PENDAFTARAN SAHAJA]

KOD JENIS PREMIS : [BAGI PENDAFTARAN PERTAMA SAHAJA]

KOD-KOD PREMIS	
H	Hypermarket
S	Supermarket
D	Departmental Store
C	Convenient Store
F	Fast Food Restaurant
P	Petrol Station Convenient Store
R	Chain Store
Y	Pharmacy
O	Others

UNTUK KEGUNAAN PEJABAT

NO. PENDAFTARAN :

NO. SIRI SIJIL :

TARIKH TAMAT PENDAFTARAN :

DISAHKAN OLEH:

DILULUSKAN OLEH:

.....
NAMA :
JAWATAN :
TARIKH :

.....
NAMA :
JAWATAN :
TARIKH :

SPHTBP00001



**SIJIL PENYERTAAN PREMIS
KEMPEN HARI TANPA BEG PLASTIK
PERCUMA ALAM SEKITAR NEGERI**

NAMA SYARIKAT : JANGAN KOMPLEN
ENTERPRISE

NO. SSM : JM808080X

ALAMAT PREMIS : NO. 1, JALAN ISMAIL, 86800
MERSING, JOHOR.

NO. :
PENDAFTARAN
KEMPEN

TARIKH SAH SIJIL : 01 JAN – 31 DIS 2022

ADALAH DIMAKLUMKAN BAHAWA PREMIS
PERNIAGAAN INI MERUPAKAN PESERTA DALAM
KEMPEN HARI TANPA BEG PLASTIK PERCUMA.
SEHUBUNGAN ITU, CAJ MINIMUM RM0.20 YANG
DIKENAKAN BAGI PENGGUNAAN SETIAP HELAIAN BEG
PLASTIK OLEH PENGGUNA AKAN DISALURKAN
KEPADA KERAJAAN NEGERI UNTUK KEGUNAAN
AKTIVITI KESEJAHTERAAN RAKYAT SERTA ALAM
SEKITAR NEGERI.

YANG DIPERTUA
MAJLIS DAERAH MERSING





**BORANG SERAHAN KUTIPAN
KEMPEN HARI TANPA BEG PLASTIK PERCUMA**

NAMA SYARIKAT :

NO. SSM :

NO. PENDAFTARAN
KEMPEN :

SERAHAN BAGI : BULAN TAHUN :

JUMLAH SERAHAN : RM NO.
CEK :

REKOD INVENTORI BULANAN UNIT PENGGUNAAN BEG PLASTIK:

BULAN	:	<input type="text"/>	TAHUN	:	<input type="text"/>
BAKI AWAL	:	<input type="text"/>			
+ TAMBAHAN INVENTORI	:	<input type="text"/>			
- PENGGUNAAN SEMASA	:	<input type="text"/>			
BAKI AKHIR	:	<input type="text"/>			

Nota: Amaun serahan mesti selaras dengan penggunaan bulan semasa.

DISAHKAN OLEH:

CAP SYARIKAT/PERNIAGAAN:

.....
NAMA :
JAWATAN :
TARIKH :

UNTUK KEGUNAAN PEJABAT

NO. RESIT :

DISAHKAN OLEH:

DILULUSKAN OLEH:

.....
NAMA :
JAWATAN :
TARIKH :

.....
NAMA :
JAWATAN :
TARIKH :



**BORANG PENGESAHAN
PREMIS BEBAS BEG PLASTIK**

NAMA PEMOHON :

NAMA SYARIKAT :

NO. SSM :

ALAMAT PREMIS :

AKUAN PREMIS :

SAYA BAGI PIHAK SYARIKAT/PREMIS MEMBUAT AKUAN BAHAWA PREMIS YANG BERDAFTAR DI ATAS TIDAK MEMBEKALKAN BEG PLASTIK DALAM SETIAP TRANSAKSI YANG DIJALANKAN. SEBARANG PERUBAHAN DALAM TRANSAKSI SEKIRANYA MELIBATKAN PENGGUNAAN BEG PLASTIK PADA MASA HADAPAN AKAN DIMAKLUMKAN KEPADA MAJLIS DAERAH MERSING.

DISAHKAN OLEH:

CAP SYARIKAT/PERNIAGAAN:

.....
NAMA :
JAWATAN :
TARIKH :

UNTUK KEGUNAAN PEJABAT

SYOR : LULUS / GAGAL

TARIKH TAMAT PENDAFTARAN :

DISAHKAN OLEH:

DILULUSKAN OLEH:

.....
NAMA :
JAWATAN :
TARIKH :

.....
NAMA :
JAWATAN :
TARIKH :

SPBBP00001



SIJIL PREMIS BEBAS BEG PLASTIK

NAMA SYARIKAT : JANGAN KOMPLEN
ENTERPRISE

NO. SSM : JM808080X

ALAMAT PREMIS : NO. 1, JALAN ISMAIL, 86800
MERSING, JOHOR.

**NO.
PENDAFTARAN
KEMPEN** :

TARIKH SAH SIJIL : 01 JAN – 31 DIS 2022

ADALAH DIMAKLUMKAN BAHAWA PREMIS
PERNIAGAAN YANG TERTERA DI ATAS ADALAH PREMIS
BEBAS BEG PLASTIK DAN MERUPAKAN RAKAN HIJAU
KERAJAAN MALAYSIA. SEHUBUNGAN DENGAN ITU,
TIADA BEG PLASTIK YANG AKAN DIBEKALKAN UNTUK
SEBARANG TRANSAKSI PREMIS INI.

YANG DIPERTUA
MAJLIS DAERAH MERSING

